

保赤心筌
三



保赤心筌卷三目錄

小兒傷風

傷寒

風溫

時邪 四時感症

傷暑

傷溼

傷熱

咳嗽

喘促 哮

傷食 食積

疳積 八證 疳蝕瘡
喫土炭

癖塊

膚腫

保赤心筌 卷三

越東胡鳳昌芸谷著

小兒傷風

傷風者為賊風所傷也道藏經云立春日七十二

日肝木用事宜東風若遇西風為賊風

金冠

立夏後

七十二日心火用事宜南風北風為賊邪立秋後七

十二日肺金主事宜西風南風為賊邪立冬後七十

二日腎水主事宜北風西南風為賊邪三六九十二

月為四季月脾土每季各主十八日以東風為賊風

上木冠此對衝之風最易傷人小兒體怯一感此風便

傷風



桂枝湯散表

桂枝葛根湯又

柴葛湯又

頭痛鼻塞呵欠喘急咳嗽發熱惡風清涕自汗脉浮
緩或煩躁手足溫或指尖冷面赤其指紋必紅紫而
長桂枝湯或桂枝葛根湯或柴葛湯又宜用外治法
詳二卷
發熱門

凡小兒傷寒者少傷風最多以腠理未密又喜當風
玩耍故易於感冒各乘其臟氣之虛以為變證如
兼心證則面赤舌絳咳嗽汗出小便赤濇宜人參
敗毒散加連翹木通兼肝證前方倍柴胡加白芍
其證多見脇痛目淚咳嗽眼腫也兼脾證則自利

人參敗毒散散表

腹脹痰涎肢冷唇白前方倍茯苓加山藥扁豆若
潮熱氣粗多睡嘔吐乳食不消咳逆大便秘白此
肺脾受寒也前方倍茯苓加白朮山藥藿香若面
黃舌腫食少惡心脾傷也前方加神麴山查麥芽
若面白眦腫喘嗽上氣肺經本病也前方倍枳殼
加白芥子若兼腎證則咳而腰痛齒疼前方倍獨
活惟大虛者禁用

暑月傷風必渾身發熱自汗不止或頭痛大小便秘
此由汗出當風所致名暑風鼻流清涕孔塞俗呼



益元散 泄熱

清暑益氣湯 和裡

附子理中湯 祛寒

熱傷風辛涼散表合益元散次服清暑益氣湯加

麻黃根

按小兒傷風若真陰大虧者亦見面赤戴陽之候喻

嘉言以附子理中湯主之

冬春偶或傷風但於五更時令其母就被窩內抱兒貼在胸間勿令漏風得小汗蒸蒸即愈



小兒傷寒

小兒傷寒已略見二卷發熱條內若八歲以後傷寒者當與成人同治初起邪客足太陽寒水一經寒毒

傷榮必惡寒發熱頭痛身疼項背強硬四肢拘急脉

浮而緊無汗氣喘或咳面青晦指冷左額有青紋十

證惟口不渴二便如常二證為邪未入裏此太陽膀胱經表邪

也麻黃湯汗之與傷風治例不同虛者參蘇飲之屬亦可用

桂枝湯或桂枝防風湯桂枝葛根湯大小青龍湯皆發

汗之解肌用葛根湯升麻葛根湯

傷寒

麻黃湯散表
參蘇飲又
桂枝湯又
桂枝葛根湯又
桂枝防風湯又
大青龍湯又



小青龍湯 補虛

葛根湯 又

升麻葛根湯 又

小柴胡湯 和裏

葛根湯 散表

失治則邪傳少陽 胆經為半表半裏證見口苦脉弦

脇痛耳聾寒熱往來胸滿舌白目眩嘔吐盜汗 十計

證此證禁汗吐下三法專宜小柴胡湯和解之 有若

一毫頭痛惡寒則為表邪未罷不宜用此

或有太陽傳入陽明經其脉不浮不沉却在肌肉之

分外見目痛鼻乾不眠唇焦漱水不欲下嚥 經邪

宜葛根湯解肌

如邪不退則熱入陽明胃腑是為裏邪實熱脉必沉

實有力按之在筋骨之間不惡風寒 全無表反惡

證矣



白虎湯泄熱

大柴胡湯攻實

承氣湯

沆瀣丹

熱潮熱大渴引飲自汗手足心腋下汗不得眠

譫語狂妄六七日不大便十一腑證凡宜白虎湯或大

柴胡湯汗下並行重則三承氣湯主之便通則愈或用

沆瀣丹以上為三陽經證

三陽既遍而不愈則熱邪傳入三陰俗呼陰症傷寒

是也傳太陰脾則脉沉腹滿痛下利三傳少陰腎

則口燥咽乾咽痛目不瞑下利清穀五傳厥陰肝

則舌卷囊縮小腹滿厥逆消渴五須按古法治之

但小兒患陰證者尚少傳邪或有之

傷寒

四卷三



理中湯 祛寒

姜附湯

四逆湯

白通湯

真武湯

白通加人尿 祛寒

若陰邪直中三陰則為四肢厥逆或戰慄跽卧腹痛
嘔吐泄瀉或吐涎沫或下利清穀爪甲青舌捲囊
縮吐衄手足拘急多眠脉沉遲無力身痛如被杖
面痛如刀割舌黑而潤等症惟不發熱不口渴為
直中真寒與陽邪傳入陰經者迥不相同治法輕
則理中湯重則姜附湯四逆湯白通湯或真武湯
皆宜審用
又如三陽證其人內有伏陰脉必無力投寒涼則死
宜白通加人尿猪膽汁湯

太陽症脉宜浮反沉者麻黃附子細辛湯主之

少陰症宜熱無反發熱者甘草乾姜附子湯主之

陰證四肢厥逆陽證亦有之一用四逆湯一用四逆

散

寒熱不同也陰證下利陽邪亦有漏底一用理中

湯一用黃龍湯補瀉不同也上皆張仲景方法

幼醫謂小兒八歲以前無傷寒此因其榮陰未足易

生內熱治之不速即變為瘥俗醫遂誤以瘥為驚

風驚證愈多宜乎傷寒日少矣豈知乳子真陽不

傷寒

五



足寒邪直趨太陽寒水一經

同氣相求

以寒召寒勢莫

能禦喻嘉言謂傷寒一證於乳子為尤多者此耳

治貴簡要神速不宜過散致多汗亡陽但於初起

時速為解肌使表邪得微汗而外解便無變證之

虞

小兒傷寒不若成人之脉象可憑也但於男兒見其

體重面黃色帶青晦於女孩見其面赤而慘或口

中氣熱喘急惡寒呵欠煩悶項強者皆傷寒也

一見小兒藏頭伏面偎附母懷便是惡風寒便是表

小柴胡湯 和裡

柴胡白虎湯 和裡

理中湯 和裡

證桂枝防風湯解肌

若見小兒出頭露面或揚手擲足揭去衣被氣粗大渴煩哭便秘者是為惡熱之裏證先宜疏導之小

柴胡湯加大黃中病即止

如大熱大渴自汗此表裏俱有實熱法宜和解柴胡

白虎湯清之

如見小兒頭額手足皆冷口鼻氣亦涼面色青白黯淡大便瀉青此為陰證裡虛急宜救裏理中湯之類主之

傷寒

六卷三



大柴胡湯 攻實
惺惺散 散表

卷三

又如先傷外邪後傷飲食或先停食而復感寒其證必肚熱頭痛或胸悶噯氣或腹痛大便酸臭留連不解者宜大柴胡湯散而下之氣怯者用惺惺散加減主之

胡芸谷曰東南市醫一見寒熱發作概以傷寒二字恐嚇有輕淺者則曰類傷寒豈知江南人氣熱而稟弱無論男婦少壯皆不肯冒寒耐凍故傷寒症最少西北省則有之然亦必在霜降以後春分以前發者方為真正傷寒若他時則否何得妄言乎



風溫

風溫一證多發於春月感受春風溫熱之氣即時發熱頭痛咳嗽喘促舌苔白滑嗜卧鼻鼾口渴症治備載於大方書小兒賸理未密偶感溫邪便發風溫此大人為尤多經曰春氣始於頭病在上焦又曰傷於風者上先受之又曰肺開竅於鼻小兒吸受風中溫熱邪氣從鼻直趨於肺肺屬手太陰經其位最高故其邪先傷肺氣肺主皮毛遂鬱為熱而咳喘頭痛繼之失治則逆傳手厥陰心包絡經血分亦皆受傷

風溫

七



白虎湯 清熱
涼膈散 人

至寶丹 備用

發於足六經皆順傳溫熱發於手六經溫邪內陷最
邪皆逆傳故由肺傳心包絡人所罕知溫邪內陷最
易昏迷吳中名醫於初起發熱咳嗽時先用辛涼解
表薄荷連翹牛蒡象貝桑葉沙參梔子皮瓜蒌皮花
粉之屬可也若小兒色蒼熱盛煩渴引飲宜辛寒清
散石羔竹葉之類甚者白虎湯痧症亦當宗此至於
日數已多溫邪不解涼膈散加芩連主之
按風溫日久熱邪侵逼心包一名臆中必致神昏目瞑涕
淚俱無諸竅欲閉勢已大危必用至寶丹辛香開竅
或服牛黃清心丸主之若病瘥之後條熱未清但



牛黃清心丸 備用

瀉白散 清熱

白虎湯 又

清燥救肺湯 和理

以甘寒之品清養胃陰可矣

風溫諸方如瀉白散白虎湯清燥救肺湯皆可量而

施治

俗醫一見發熱效喘不知其為肺病妄用荊防柴葛

及枳朴杏蘇萊菔子橘皮查芽之類以為解脫消

食而痰喘更加或以礞石滾痰丸下之大便行而

上熱愈盛幼兒穀少胃薄復以燥烈耗津苦辛化

熱且大黃苦寒沉降大損脾陽致陡變驚脫死者

多矣

風溫

